

| | | |
|---|---|---------------|
|  | <h1>SLUŽBENE NOVINE OPĆINE GORAŽDE</h1> | |
| Godina VII | 05. februar 2014. godine GORAŽDE | Broj 1 |

1128

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“), broj:13/07 i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko- podrinjskog kantona Goražde“, broj: 02/00,16/06 i 12/09), Općinsko vijeće Općine Goražde na 14. redovnoj sjednici, održanoj dana **30.01.2014. godine**, **d o n o s i**:

O D L U K U

o dodjeli kreditnih sredstava OR „SIGMA - PLAST“, vl. Vučinić Haris iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“

Član 1.

Odobravaju se kreditna sredstva OR „SIGMA - PLAST“, vl. Vučinić Haris iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“ u iznosu od 8.000,00 KM pod slijedećim uslovima:

- Rok otplate 72 mjeseca uz grejs period od 12 mjeseci,
- Kamatna stopa 3% godišnje, uz obračun i plaćanje mjesečno unazad, najkasnije do sedmog u mjesecu za protekli mjesec,
- Za dodjeljenih 8.000,00 KM korisnik kredita je obavezan uposliti jednog radnika sa kojim zaključuje ugovor o radu i zadržati ga u radnom odnosu najmanje dok traje otplata kredita.

Član 2.

Korisnik kreditnih sredstava OR „SIGMA - PLAST“, vl. Vučinić Haris iz Goražda, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uslovima iz člana 1. ove Odluke i to: obrazac od specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za uposlenog radnika, uz potpis uposlenog lica.

Član 3.

Za pokriće obaveza po osnovu izdatog kredita, u skladu sa tačkom 1. ove Odluke, OR „SIGMA - PLAST“, vl. Vučinić Haris iz Goražda, će obezbijediti dva žiranta prihvatljiva za Privrednu banku Sarajevo.

Član 4.

OR „SIGMA - PLAST“, vl. Vučinić Haris iz Goražda, je obavezan da sredstva dugoročnog kredita vraća u jednakim mjesečnim anuitetima na transakcioni račun broj :101140000001617 kod Privredne banke Sarajevo, do sedmog dana u mjesecu.

Član 5.

U slučaju nepoštivanja odredaba ove Odluke od strane OR „SIGMA - PLAST“, vl. Vučinić Haris iz Goražda, kredit se u tom momentu smatra u cjelosti dospjelim za naplatu i Banka će poduzeti sve mjere za naplatu istog.

Član 6.

Ovlašćuje se Načelnik Općine Goražde da zaključi Ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke

kojim će se regulisati bliža prava i obaveze ugovorenih strana.

Ukoliko se Ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-420

Goražde, 30.01.2014. godine.

PREDSJEDAVALA VIJEĆA

Jelena Mirković

1129

Na osnovu člana 18. i člana 84. stav 1. Statuta Općine Goražde („Službene novine Bosansko-podrinjskog kantona Goražde, broj: 13/07) i člana 28. stav 3. Poslovnika Općinskog vijeća Općine Goražde („Službene novine Općine Goražde, broj: 2/08), Općinsko vijeće Općine Goražde na svojoj 14. redovnoj sjednici, održanoj dana **30.01.2014.** godine, **d o n o s i**

O D L U K U

o imenovanju člana Komisije za pitanje boračko-invalidske zaštite, izbjeglih i raseljenih lica

Član 1.

U Komisiju za pitanje boračko-invalidske zaštite, izbjeglih i raseljenih lica, umjesto rahmetli Herak Ferida imenuje se **Žuga Džemail**.

Član 2.

Ova Odluka stupa na snagu danom donošenja, a bit će objavljena u „Službenim novinama Općine Goražde“.

Broj: 01-02-1-421

Goražde, 30.01.2014. godine

PREDSJEDAVALA VIJEĆA

Jelena Mirković

1130

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i člana 119. Poslovnika Općinskog vijeća Općine Goražde („Službene novine Općine Goražde“, broj: 2/08), Općinsko vijeće Općine Goražde na svojoj 14. redovnoj sjednici, održanoj dana **30.01.2014.** godine, **d o n o s i**

O D L U K U

o imenovanju članova Skupštine JP Sportsko-kulturni privredni centar “Mirsad Hurić” d.o.o. Goražde

Član 1.

Za članove Skupštine JP Sportsko-kulturni privredni centar “Mirsad Hurić” d.o.o. Goražde imenuju se:

1. Mahmutović Asim – predsjednik Skupštine,
2. Salić Amina- član,
3. Hurić Esad- član,
4. Dervišević Salko- član,
5. Fejzić Sanela- član,
6. Hastor Čamil- član,
7. Rašidović Mirsad- član,
8. Kurtović Halida- član i
9. Osmanagić Nermana- član.

Član 2.

Članovi Skupštine biraju se na period do 60 dana, odnosno do konačnog imenovanja Skupštine.

Član 3.

Ova Odluka stupa na snagu osam dana od dana objavljivanja u “Službenim novinama Općine Goražde”.

Broj:01-02-1-422

Goražde, 30.01.2014. godine

PREDSJEDAVALA VIJEĆA

Jelena Mirković

1131

Na osnovu člana 18. i 84. Statuta Općine Goražde (“Službene novine Bosansko-podrinjskog kantona Goražde“, broj: 13/07) i člana 119. Poslovnika Općinskog vijeća Općine Goražde („Službene novine Općine Goražde“, broj: 2/08), Općinsko vijeće Općine Goražde na svojoj 14. redovnoj sjednici, održanoj dana **30.01.2014.** godine, **d o n o s i**

O D L U K U

o imenovanju članova Skupštine JP “Veterinarska stanica” d.o.o. Goražde

Član 1.

Za članove Skupštine JP “Veterinarska stanica” d.o.o. Goražde imenuju se:

1. Živojević Uzeir – predsjednik Skupštine,
2. Džemidžić Huso- član,
3. Mašala Hajro- član,
4. Tutić Salhudin- član,
5. Kazagić Mirzeta- član,
6. Mutlak Ljubo- član,

7. Šiljak Ferid- član,
8. Fazlić Enver- član i
9. Obuća Bajro- član.

Član 2.

Članovi Skupštine biraju se na period do 60 dana, odnosno do konačnog imenovanja Skupštine.

Član 3.

Ova Odluka stupa na snagu osam dana od dana objavljivanja u "Službenim novinama Općine Goražde".

Broj:01-02-1-423

Goražde, 30.01.2014. godine

PREDSJEDAVALA VIJEĆA

Jelena Mirković

1132

Na osnovu člana 18. i 84. Statuta Općine Goražde ("Službene novine Bosansko-podrinjskog kantona Goražde", broj: 13/07) i člana 119. Poslovnika Općinskog vijeća Općine Goražde („Službene novine Općine Goražde“, broj. 2/08), Općinsko vijeće Općine Goražde na svojoj 14. redovnoj sjednici, održanoj dana **30.01.2014.** godine,
d o n o s i

O D L U K U

**o imenovanju članova Skupštine
JKP "6. mart" d.o.o. Goražde**

Član 1.

Za članove Skupštine JKP "6. mart" d.o.o. Goražde imenuju se:

1. Polutak Mustafa – predsjednik Skupštine,
2. Čengić Kemal- član,
3. Uglješa Aziz- član,
4. Herenda Adisa- član,
5. Ratković Enver- član,
6. Mašnić Hasib- član
7. Fejzić Hasan- član
8. Cuplov Edib- član i
9. Mirvić Adnan- član.

Član 2.

Članovi Skupštine biraju se na period do 60 dana, odnosno do konačnog imenovanja Skupštine.

Član 3.

Ova Odluka stupa na snagu osam dana od dana objavljivanja u "Službenim novinama Općine Goražde".

Broj:01-02-1-424

Goražde, 30.01.2014. godine

PREDSJEDAVALA VIJEĆA

Jelena Mirković

1133

Na osnovu člana 7. Zakona o ministarskim, vladinim i drugim imenovanjima u Federaciji Bosne i Hercegovine („Službene novine Federacije Bosne i Hercegovine“, broj:34/03 i 65/13) i člana 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07, Općinsko vijeće Općine Goražde na 14. redovnoj sjednici, održanoj **30.01.2014.** godine, donosi:

O D L U K U

o utvrđivanju standarda i kriterija za imenovanje na pozicije reguliranih tijela Općine Goražde

Član 1.

Ovom Odlukom utvrđuju se standardi i kriteriji za imenovanje predsjednika i članova Skupština javnih preduzeća i Upravnih i Nadzornih odbora javnih ustanova Općine Goražde (regulirana tijela).

Član 2.

Kandidati za imenovanja na upražnjene pozicije predsjednika i članova u reguliranim tijelima Općine Goražde trebaju ispunjavati opšte i posebne uslove koji su utvrđeni ovom Odlukom.

Opšti uslovi za imenovanje kandidata na upražnjene pozicije predsjednika i članova u regulirana tijela Općine Goražde su:

- a) Da su državljani Bosne i Hercegovine,
- b) Da su stariji od 18 godina,
- c) Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
- d) Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
- e) Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oprostene kazne,
- f) Da im odlukom suda nije zabranjeno obavljanje aktivnosti na poziciji na koju se kandiduju,
- g) Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH,
- h) Da nemaju privatni finansijski interes u reguliranom tijelu za koji se kandiduju,
- i) Da nisu stariji od 65 godina na dan imenovanja.

Posebni uslovi za imenovanje na upražnjene pozicije predsjednika i članova u reguliranim tijelima Općine Goražde su:

- a) Da imaju visoku, višu ili srednju stručnu spremu,
- b) Da imaju najmanje 3 godine radnog iskustva u struci nakon sticanja visoke, više ili srednje stručne spreme,
- c) Da nisu predsjednici ili članovi u nekom od reguliranih tijela na području Općine Goražde i
- d) Da imaju komunikacijske i organizacijske sposobnosti.

Član 3.

Predsjednika i članove na upražnjene pozicije u reguliranim tijelima Općine Goražde imenuje i razrješava Općinsko vijeće Općine Goražde na prijedlog Komisije za izbor i imenovanje, ili na prijedlog Načelnika Općine, ukoliko zakonom nije drugačije propisano.

Član 4.

Za provođenje postupka imenovanja na upražnjene pozicije u reguliranim tijelima iz člana 1. ove Odluke imenuje se Komisija za izbor koju posebnim rješenjem imenuje Općinsko vijeće.

Komisija za izbor se sastoji od pet (5) članova koji se, na prijedlog Komisije za izbor i imenovanje, imenuju u skladu sa kriterijima utvrđenim članom 9. Zakona o ministarskim, vladinim i drugim imenovanjima u Federaciji Bosne i Hercegovine.

Prilikom imenovanja Komisije za izbor vodi se računa o Zakonu ili Statutu na osnovu kojeg je organ osnovan. Ako je u tom Zakonu ili Statutu o osnivanju organa propisan posebni postupak izbora ili sastava Komisije za izbor na pozicije u reguliranom organu, tada se postupa po odredbama tog Zakona ili Statuta.

Član 5.

Nakon provedenog postupka, Komisija za izbor iz član 4. ove Odluke će prijedloge dostaviti Komisiji za izbor i imenovanje Općinskog vijeća Općine Goražde.

Član 6.

Predsjednici i članovi reguliranih tijela Općine Goražde imenuju se na period od četiri (4) godine.

Član 7.

Evidenciju o predsjednicima i članovima, trajanju mandata i isteku mandata, kao i druga pitanja iz ove Odluke vodi Općinska služba za poslove Vijeća.

Član 8.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-429

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1134

Na osnovu člana 18. i 84. Statuta Općine Goražde („Službene novine Bosansko- podrinjskog kantona Goražde“, 13/07) i člana 40. Stav 2. Zakona o dugu, zaduženju i garancijama Federacije Bosne i Hercegovine („Službene novine Federacije Bosne i Hercegovine“, broj: 86/07 i 24/09), Općinsko vijeće Općine Goražde na svojoj 14. redovnoj sjednici, održanoj **30.01.2014.** godine, d o n o s i

O D L U K U

o odobranju službenog puta delegaciji ispred Općine Goražde, na čelu sa Načelnikom Općine Goražde, u Saudijsku Arabiju

Član 1.

Odobrava se službeni put delegaciji ispred Općine Goražde, na čelu sa Načelnikom Općine Goražde, u Saudijsku Arabiju, grad Rijad, radi vršenja pregovora o uslovima u vezi kreditnog zaduženja Općine Goražde kod Saudijskog komiteta za razvoj, a radi izgradnje infrastrukturnih objekata u Goraždu.

Član 2.

Delegaciju ispred Općine Goražde činit će Načelnik Općine Goražde, dr. sci. Muhamed Ramović, Adžem Enver, pomoćnik Načelnika i Čavrk Armin, ispred kabineta Načelnika.

Član 3.

Troškovi odlaska delegacije ispred Općine Goražde pokrit će se iz Budžeta Općine Goražde, sa ekonomskih kodova: 613-125, 613-121 i 613-124.

Član 4.

Ova Odluka stupa na snagu danom donošenja, a naknadno će se objaviti u „Službenim novinama Općine Goražde.“

Broj: 01-02-1-426

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1135

Na osnovu člana 18. i 84. Statuta Općine Goražde („Službene novine BPK- a Goražde“, broj: 13/07), člana 34. Odluke o izvršenju Budžeta Općine Goražde („Službene novine Općine Goražde“, broj. 3/11) i člana 36. 87. i 98. Odluke o komunalnom redu („Službene novine Općine Goražde“, broj. 4/13), Općinsko vijeće Općine Goražde na svojoj 14. redovnoj sjednici, održanoj **30.01.2014.** godine,

d o n o s i

ODLUKU

o usvajanju Programa o uređenju grada i ostalih naselja i Programa o izgradnji i rekonstrukciji javne rasvjete u 2014. godini

Član 1.

Ovom Odlukom usvaja se Program o uređenju grada i ostalih naselja i Program izgradnje i rekonstrukcije javne rasvjete u 2014. godini u iznosu od 213.601,50 KM.

Sredstva za ovu namjenu obezbijedena su u Budžetu Općine Goražde za 2014. godinu na kodu 615-117-4 u iznosu od 110.000,00 KM i na kodu 615-117-3 u iznosu od 100.000,00 KM, te donatorska sredstva u iznosu od 3.601,50 KM.

Član 2.

Za provođenje ovog Programa zadužuje se Načelnik Općine Goražde, koji će realizovati putem nadležnih službi.

Član 3.

Sastavni dio ove Odluke je Program o uređenju grada i ostalih naselja i Program izgradnje i rekonstrukcije javne rasvjete u 2014. godini.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-1-428

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1136

Na osnovu člana 22. i 23. Zakona o komunalnim djelatnostima („Službene novine BPK-a“, broj:9/13) i 18. i 84. Statuta Općine Goražde („Službene novine BPK-a Goražde“, broj: 13/07) i člana 36. 87. i 98. Odluke o komunalnom redu („Službene novine Općine Goražde“, broj. 4/13), Općinsko vijeće Općine Goražde na svojoj 14. redovnoj sjednici, održanoj 30.01.2014. godine,

d o n o s i

ODLUKU

o usvajanju Programa pružanja usluga komunalne zajedničke potrošnje za 2014. godinu na području grada Goražda i naselja Vitkovići

Član 1.

Daje se saglasnost na Program pružanja usluga komunalne zajedničke potrošnje za 2014. godinu na području grada Goražda i naselja Vitkovići u iznosu od 180.000,00 KM, i 6.375,96 KM donatorskih sredstava.

Član 2.

Troškove pružanja komunalnih usluga predviđene u članu 1. ove Odluke, Općina Goražde planirala je u Budžetu Općine Goražde za 2014. godinu na kodu 613-324, i donatorska sredstva u iznosu od 6. 375,96 KM.

Član 3.

Za provođenje ovog Programa zadužuje se Načelnik Općine Goražde i nadležna služba.

Član 4.

Poslovi predviđeni Programom iz člana 1. ove Odluke bit će povjereni pružaocu usluga odabranom u skladu sa zakonskim propisima.

Član 5.

Sastavni dio ove Odluke je Program pružanja usluga komunalne zajedničke potrošnje za 2014. godinu na području grada Goražda i naselja Vitkovići

Član 6.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-1-431

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1137

Na osnovu člana 25. i 41. Zakona o cestama Federacije BiH („Službene novine Federacije Bosne i Hercegovine broj 12/10) člana 1. i 6. Odluke o određivanju lokalnih cesta („Službene novine Bosansko-podrinjskog kantona Goražde, broj 1/04), člana 1. i 6. Odluke o utvrđivanju kriterija za kategorizaciju lokalnih cesta i utvrđivanju lokalnih cesta na području Bosansko-podrinjskog kantona Goražde („Službene novine Bosansko-podrinjskog kantona Goražde“ broj 6/07) i članova 18. i 84. Statuta Općine Goražde („Službene novine Bosansko-podrinjskog kantona Goražde broj: 13/07, Odluke Općinskog vijeća Općine Goražde o određivanju lokalnih cesta, korištenju, održavanju, zaštiti i rekonstrukciji nekategorisanih cesta („Službene novine Bosansko-podrinjskog kantona Goražde broj: 7/04) i člana 34. Odluke o izvršenju Budžeta Općine Goražde za 2014 godinu („Službene novine Općine Goražde broj: 3/13) Općinsko vijeće Općine Goražde na 14. redovnoj sjednici, održanoj dana **30.01.2014.** godine, **donosi:**

ODLUKU

o davanju saglasnosti na Program utroška finansijskih sredstva iz Budžeta Općine Goražde za 2014. godinu sa ekonomskog koda 613-724 - usluge, opravke i održavanje cesta na području Općine Goražde, na putnim pravcima od interesa za Općinu Goražde

Član 1.

Daje se saglasnost na Program utroška finansijskih sredstava iz Budžeta Općine Goražde sa koda 613-724- usluge, opravke i održavanje cesta na području Općine Goražde za 2014. godinu, na putnim pravcima od interesa za Općinu Goražde, u iznosu od 400.000,00 KM, a koji je donesen od strane Načelnika Općine Goražde.

Član 2.

Za provođenje ovog Programa zadužuje se Načelnik Općine Goražde, koji će realizovati putem nadležnih službi.

Član 3.

Sastavni dio ove Odluke je Program utroška finansijskih sredstava sa ekonomskog koda 613-724 iz Budžeta Općine Goražde za 2014. godinu.

Član 4.

Načelnik Općine je obavezan da kvartalno izvještava Općinsko vijeće o realizaciji ovog Programa.

Član 5.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-1-430

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1138

Na osnovu člana 16. stav 1. tačka 4. Zakona o zaštiti od požara i vatrogastvu („Službene novine Federacije Bosne i Hercegovine“, broj: 64/09), te Metodologije za izradu procjene ugroženosti od požara („Službene novine Federacije Bosne i Hercegovine, broj: 91/11) i člana 18. i 84. stav 1. Statuta Općine Goražde („Službene novine Bosansko- podrinjskog kantona Goražde“, broj: 13/07), Općinsko vijeće Općine Goražde na svojoj **14. redovnoj sjednici, održanoj 30.01.2014. godine,**
d o n o s i

ODLUKU**o usvajanju procjene ugroženosti od požara Općine Goražde****Član 1.**

Usvaja se Procjena ugroženosti od požara Općine Goražde.

Član 2.

Procjena ugroženosti od požara, kao sastavni dio procjene ugroženosti od prirodnih i drugih nesreća, predstavlja temeljni dokument za izradu Plana zaštite od požara Općine Goražde.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-2-1-427

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1139

Na osnovu odredaba člana 25. Zakona o građevinskom zemljištu FBiH („Službene novine Federacije Bosne i Hercegovine“ broj: 25/03) i člana 18. i 84. Statuta Općine Goražde ("Službene novine Bosansko-podrinjskog kantona Goražde" broj: 13/07) i zahtjeva Ostojić Budimira iz Goražda, Općinsko vijeće Općine Goražde na **14. redovnoj sjednici, održanoj dana 30.01.2014. godine, d o n o s i:**

ZAKLJUČAK**Član 1.**

Odbija se ponuda Ostojić (Jova) Budimira iz Goražda za preuzimanje neizgrađenog gradskog građevinskog zemljišta u državnoj svojini, koje je u katastarskom operatu označeno kao k.č. 1101, zv. "Bare", po kulturi oranica/njiva 2. klase, u površini od 381 m², koje je upisano u P.I. br. 469, K.o. Goražde II, na ime Ostojić (Jova) Budimir sa 1/1 dijela posjeda, jer ne postoji interes Općine Goražde da koristi prvenstveno pravo preuzimanja navedenog građevinskog zemljišta, obzirom na njegovu namjenu.

Član 2.

Podnosilac zahtjeva ne može izvršiti otuđenje zemljišne parcela iz člana 1. ovog Zaključka ispod ponudene cijene u iznosu od 11.000 KM za površinu od 381 m², o čemu će se starati Porezna uprava, Kantonalni ured Goražde – ispostava Goražde, kao mjesno nadležni organ uprave.

Član 3.

Zadužuje se Služba za geodetske, imovinsko-pravne poslove i katastar nekretnina Općine Goražde da ovaj Zaključak dostavi nadležnom organu iz člana 2. ovog Zaključka.

Član 4.

Ovaj Zaključak stupa na snagu narednog dana od dana donošenja.

Broj: 01-05-1-432

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1140

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **14.** redovnoj sjednici, održanoj dana **30.01.2014.** godine, **d o n o s i:**

Z A K L J U Č A K

1. Da se eventualni ostatak sredstava od zimskog održavanja puteva iz Programa usluga, opravke i održavanja cesta na području Općine Goražde, na putnim pravcima od interesa za Općinu Goražde u 2014. godini, prebaci i ravnomjerno rasporedi na rješavanje prioriternih problema putnih pravaca i postavljanje vertikalne signalizacije u svim mjesnim zajednicama na području Općine Goražde.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-437

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1141

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **14.** redovnoj sjednici, održanoj dana **30.01.2014.** godine, **d o n o s i:**

Z A K L J U Č A K

1. Izvještaj o realizaciji Programa utroška finansijskih sredstava iz Budžeta Općine Goražde za 2014. godinu sa ekonomskog koda 613-724 – usluge, opravke i održavanje cesta na području Općine Goražde, na putnim pravcima od interesa za Općinu Goražde, koji se podnosi Općinskom vijeću, mora sadržavati potpise predsjednika Savjeta mjesnih zajednica, kojim bi se potvrdilo da je Program realizovan na području njihovih mjesnih zajednica.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-436

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1142

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **14.** redovnoj sjednici, održanoj dana **30.01.2014.** godine, **d o n o s i:**

Z A K L J U Č A K

1. Izvještaj o realizaciji Programa o uređenju grada i ostalih naselja i Programa izgradnje i rekonstrukcije javne rasvjete u 2014. godini, koji se podnosi Općinskom vijeću, mora sadržavati potpise predsjednika Savjeta mjesnih zajednica, kojim bi se potvrdilo da je Program realizovan na području njihovih mjesnih zajednica.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-434

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1143

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **14.** redovnoj sjednici, održanoj dana **30.01.2014.** godine, **d o n o s i:**

Z A K L J U Č A K

1. Zadužuje se Načelnik Općine Goražde da prilikom predlaganja delegacije ispred Općine Goražde, a u cilju realizacije aktivnosti u kojima učestvuje Općinsko vijeće Općine Goražde i kada isto donosi odluku o odobravanju službenog puta za delegacije, delegaciju Općine Goražde obavezno čini i predstavnik Općinskog vijeća – općinski vijećnik.
2. O predstavniku Općinskog vijeća koji će činiti delegaciju, odluku će donijeti Kolegij Općinskog vijeća.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-433

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1144

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **14.** redovnoj sjednici, održanoj dana **30.01.2014.** godine, **d o n o s i:**

Z A K L J U Č A K

1. Da se Odluke o imenovanju članova skupština javnih preduzeća obavezno dostave svim imenovanim članovima skupština.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-435

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1145

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na **14.** redovnoj sjednici, održanoj dana **30.01.2014.** godine, **d o n o s i:**

Z A K L J U Č A K

1. Usvaja se inicijativa vijećnika Bukalo Šefika, a koja se odnosi na donošenje posebnog propisa na osnovu Zakona o komunalnim djelatnostima i Zakona o javnom privatnom partnerstvu BPK-a Goražde, kojim bi se propisalo subvencioniranje lokalnog prijevoza na području Općine Goražde.
2. Zadužuje se Načelnik Općine Goražde i nadležna općinska služba da izrade i Vijeću ponude nacrt propisa u cilju realizacije ove inicijative.
3. Pri izradi nacrta ovog propisa potrebno je prethodno konsultovati i uzeti u obzir slijedeće propise: Zakon o socijalnoj zaštiti i zaštiti porodica sa djecom, Zakon o komunalnim djelatnostima, Zakon o javnom privatnom partnerstvu i Zakon o sistemu državne pomoći u BiH.
4. Rok za realizaciju ove inicijative je do 90 dana.
5. Zaključak stupa na snagu danom donošenja, a bi će objavljen u „Službenim novinama Općine Goražde“.

Broj: 01-05-1-438

Goražde, 30.01.2014. godine

PREDSJEDAVAJUĆA VIJEĆA

Jelena Mirković

1146

Na osnovu člana 15 stav 1 alineja druga Zakona o principima lokalne samouprave u Federaciji BiH (“Službene novine Federacije BiH”, broj 49/06 i 51/09), a u vezi sa članom 15. stav 1 Zakona o mladima Federacije BiH (“Službene novine F BiH”, broj 36/10) i članom 35. Statuta Općine Goražde (“Službene novine BPK-a Goražde”, broj 13/07) Općinski Načelnik/ca donosi

PRAVILNIK O VOĐENJU SPISKA OMLADINSKIH UDRUŽENJA NA PODRUČJU OPĆINE GORAŽDE

POGLAVLJE I - OPĆE ODREDBE

Član 1. (Predmet)

Ovim Pravilnikom propisuju se postupak i način upisa u spisak omladinskih udruženja koja imaju sjedište ili registriran ured na području Općine Goražde, način podnošenja zahtjeva za upis u spisak omladinskih udruženja, potrebni obrasci, te druga pitanja od značaja za vođenje spiska omladinskih udruženja, u skladu sa Zakonom o mladima Federacije BiH (u daljnjem tekstu: Zakon).

Član 2. (Omladinsko udruženje)

- (1) „Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti većinom usmjerene na mlade, a koje se osniva, registrira, djeluje i prestaje postojati u skladu sa Zakonom na osnovu kojeg je registrirano.
- (2) Međunarodna udruženja ne mogu dobiti status omladinskog udruženja ako nisu registrirana i u Bosni i Hercegovini.

Član 3. (Neformalna grupa mladih)

- (1) Neformalna grupa mladih Općine Goražde jeste grupa čije dvije trećine članstva čine mladi ljudi koji imaju prebivalište na području Općine Goražde i čije su aktivnosti podržane od Općine.
- (2) Neformalne grupe mladih trebaju imati administrativnu podršku nekog omladinskog udruženja s područja Općine Goražde.

Član 4. **(Nadležna općinska služba)**

- (1) Općinska služba za društvene djelatnosti, opću upravu i zajedničke poslove nadležna je za vođenje spiska omladinskih udruženja (u daljnjem tekstu: Služba).
- (2) Služba će voditi spisak omladinskih udruženja iz razloga transparentnosti, saradnje, podrške i partnerstva.
- (3) Služba će voditi spisak neformalnih grupa mladih čije su aktivnosti podržane od Općine Goražde.

Član 5. **(Obaveze omladinskih udruženja)**

- (1) Omladinska udruženja koja žele predlagati projekte za mlade ili biti član Vijeća mladih Općine Goražde dužna su se upisati u spisak omladinskih udruženja Općine.
- (2) Omladinsko udruženje upisano u spisak omladinskih udruženja Općine Goražde dužno je uputiti poziv općinskom službeniku za mlade za prisustvo izvještajnim i izbornim skupštinama Udruženja kao i Službi dostaviti zapisnik sa svake izborne skupštine sa spiskom članova organa upravljanja i članova omladinskog udruženja, sa datumima rođenja istih.
- (3) Omladinsko udruženje upisano u spisak omladinskih udruženja dužno je Službi do 28. februara dostaviti godišnji izvještaj o radu za prošlu kalendarsku godinu.
- (4) Omladinsko udruženje nakon dobivanja budžetskih sredstava Općine Goražde iz granta za omladinske projekte dužna su podnijeti pisani izvještaj Službi o namjenskom trošenju budžetskih sredstava i to najkasnije u roku od 30 dana od dana utroška ovih sredstava.

POGLAVLJE II- UPIS U SPISAK OMLADINSKIH UDRUŽENJA

Član 6. **(Podnošenje zahtjeva za upis u spisak)**

- (1) Zahtjev za upis u spisak podnosi se Službi, nakon upisa udruženja u registar koji vodi nadležno Ministarstvo pravde.
- (2) Zahtjev za upis u spisak omladinskih udruženja potpisuje osoba ovlaštena za zastupanje i predstavljanje omladinskog udruženja.

- (3) Zahtjev se, prema vrsti podataka koji se unose, sastoji od tri dijela, i to:
 - a) podaci o omladinskom udruženju,
 - b) podaci o licu ovlaštenom za zastupanje i predstavljanje,
 - c) podaci o upravnom odboru i skupštini.
- (4) Zahtjev i dokumentacija iz Pravilnika podnose se Službi u jednom primjerku, i to na obrascu 1.
- (5) Podaci koji su upisani u zahtjev moraju biti istovjetni sa odredbama Statuta, odlukama i zaključcima organa upravljanja omladinskog udruženja na koje se podaci odnose.

Član 7. **(Zahtjev za upis u spisak)**

- (1) Uz zahtjev iz Člana 6. stav (3) za upis u spisak omladinskog udruženja prilažu se:
 - rješenje o registraciji
 - osnivački akt
 - statut
- (2) Prilozi se podnose u originalu ili ovjerenoj fotokopiji.

Član 8. **(Donošenje odluke)**

- (1) Ako zahtjev subjekta upisa ne ispunjava uvjete propisane zakonom i ovim Pravilnikom ili ako zahtjev nije potpun, Služba će obavještenjem, pozivom na ispravku upozoriti podnosioca na dopunu zahtjeva, te odrediti rok za dopunu koji ne može biti kraći od 30 dana od dana prijema obavještenja.
- (2) Ako subjekt upisa ne otkloni nedostatke u određenom roku, Služba će odlukom odbaciti zahtjev.

Član 9. **(Izdavanje potvrde)**

- (1) Služba izdaje potvrdu omladinskom udruženju kao dokaz za upis u spisak.
- (2) Potvrda se izdaje na obrascu 2.
- (3) Potvrda sadrži sljedeće podatke:
 - a) naziv i adresa omladinskog udruženja,
 - b) upisni broj pod kojim je izvršen upis u spisak,
 - c) datum upisa u spisak,
 - d) potpis ovlaštene osobe.

POGLAVLJE III - NAČIN POPUNJAVANJA OBRAZACA

Član 10. (Popunjavanje obrazaca)

- (1) Obrazac se popunjava na računaru, na jednom od tri službena jezika koja su u upotrebi u Bosni i Hercegovini.
- (2) Obrasci propisani ovim Pravilnikom čine njegov sastavni dio.

POGLAVLJE IV - VOĐENJE SPISKA I ZBIRKA ISPRAVA

Član 11. (Upisni list)

- (1) Spisak se sastoji od upisnih listova u koje se upisuju: naziv i skraćeni naziv omladinskog udruženja, datum osnivanja, područje djelovanja, upisni broj i datum upisa, redni broj, sjedište i broj telefona, jedinstveni identifikacijski broj, broj i datum rješenja o upisu u registar, lice ovlašteno za zastupanje i predstavljanje, broj i datum akta upisa u spisak i napomena.
- (2) Izgled upisnog lista utvrđen je obrascem 3.

Član 12. (Upisni uložak)

Upisni uložak obilježava se posebnim brojem pod kojim se vodi omladinsko udruženje.

Član 13. (Upisni broj)

Upisni broj omladinskog udruženja je broj koji se dodjeljuje omladinskom udruženju prilikom upisa. Jednom dodijeljen upisni broj se ne mijenja, niti se nakon prestanka rada omladinskog udruženja dodjeljuje nekom drugom omladinskom udruženju.

Član 14. (Zbirka isprava)

Zbirka isprava u pisanom obliku vodi se za svako omladinsko udruženje u spisku omladinskih udruženja.

Član 15. (Sadržaj zbirke isprava)

- (1) Zbirka isprava sadrži: zahtjev za upis u spisak, osnivački akt, statut, rješenje o registraciji, podatke o osnivaču (obrazac 1), popis članova i organa upravljanja (obrazac 1), predstavljanja

omladinskog udruženja (obrazac 1), spisak lica ovlaštenih za zastupanje i predstavljanje (obrazac 1).

- (2) Zbirka isprava propisana Pravilnikom čuva se trajno.

Član 16. (Javnost spiska)

- (1) Spisak omladinskih udruženja je javan.
- (2) Svako lice ima pravo uvida u podatke upisane u spisak omladinskih udruženja u skladu sa Zakonom o slobodi pristupa informacijama.

POGLAVLJE VI - POSTUPAK BRISANJA IZ SPISKA

Član 17. (Upis brisanja iz spiska omladinskog udruženja)

- (1) Iz spiska se briše omladinsko udruženje ako:
 - a) se izbriše iz registra nadležnog Ministarstva pravde,
 - b) podnese zahtjev za brisanje iz spiska omladinskog udruženja Općine,
 - c) ne dostavi dokumentaciju iz člana 5. stav 2, 3 i 4. ovog Pravilnika,
 - d) ako udruženje prestane biti omladinsko udruženje u skladu sa Zakonom.
- (2) Kada Služba utvrdi postojanje jedne od činjenica iz stava (1) ovog člana donosi Odluku o brisanju omladinskog udruženja iz spiska omladinskih udruženja Općine Goražde.

POGLAVLJE VII - PRIJELAZNE I ZAVRŠNE ODREDBE

Član 18. (Dostupnost obrazaca)

Ovaj pravilnik s potrebnim obrascima dostupan je javnosti na web-stranici Općine Goražde.

Član 19. (Stupanje na snagu i objava)

Ovaj Pravilnik stupa na snagu narednog dana od dana objavljanja u „Službenim novinama Općine Goražde“.

Broj: 02-02-5291/2013
Goražde, 18.12.2013. god.
NAČELNIK OPĆINE
Mr. sci. Muhamed Ramović

1147

BOSNA I HERCEGOVINA
FEDERACIJA BOSNE I HERCEGOVINE
Bosansko-podrinjski kanton Goražde
OPĆINA GORAŽDE
Općinski štab civilne zaštite



Na osnovu člana 29. Pravilnika o načinu rada i funkcioniranja štabova i povjerenika civilne zaštite ("Službene novine FBiH", broj: 77/06 i 5/07) i na osnovu člana 144. stav 1. i člana 184. stav 1. Zakona o zaštiti i spašavanju ljudi i materijalnih dobara od prirodnih i drugih nesreća (Službene novine FBiH", broj: 39/03, 22/06 i 43/10), člana VIII . Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 4/12) i Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine br:01-02-1-1198 od 28.03.2013.godine i Odluke o donošenju Godišnjeg plana korištenja sredstava za zaštitu i spašavanje za 2013. godinu, broj: 10-44-1-4182/13 od 23.10.2013. godine na dvadeset petoj (25.) redovnoj sjednici, održanoj dana **23.10.2013.** godine, Štab civilne zaštite Općine Goražde, d o n o s i:

O D L U K U

o nabavci teretnog motornog vozila za odvoz smećarabljeno, za potrebe Službe Civilne zaštite i spašavanja Općine Goražde: „Služba za čistoću“, u okviru JKP „6. mart“ Goražde.

Član 1.

Odobrava se nabavka teretnog motornog vozila za odvoz smećarabljeno, za potrebe Službe CZ-e i spašavanja Općine Goražde: „Služba za čistoću“, u okviru JKP „6. mart“ Goražde, u iznosu od 50.000,00 KM.

Član 2.

Nabavka vozila iz tačke 1. ove Odluke finansirat će se iz sredstava ostvarenih po osnovu posebne naknade za zaštitu od prirodnih i drugih nesreća planiranih u Budžetu Općine Goražde za 2013. godinu na ekonomskom kodu 821 383- Nabavka opreme za CZ-u.

Član 3.

Zadužuje se Načelnik Općine da, u skladu sa Zakonom o javnim nabavkama, provede postupak nabavke motornog vozila iz tačke 1. ove Odluke.

Član 4.

Realizaciju ove Odluke vrše Služba civilne zaštite i Služba za finansije, privredu i MZ-e Općine Goražde.

Član 5.

Ova Odluka stupa na snagu danom donošenja i objavit će se u „Službenim novinama Općine Goražde“.

Broj: 10-44-1-4182-3/13

Goražde, 23.10.2013. godine

KOMANDANT ŠTABA:

Mr.sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko-podrinjski kanton Goražde
OPĆINA GORAŽDE
Općinski štab civilne zaštite



Na osnovu člana 29. Pravilnika o načinu rada i funkcioniranja štabova i povjerenika civilne zaštite ("Službene novine FBiH", broj: 77/06 i 5/07) i na osnovu člana 144. stav 1. i člana 184. stav 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", broj: 39/03, 22/06 i 43/10), člana VIII . Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 4/12) i Program razvoja zaštite i spašavanja od prirodnih i drugih nesreća u Općini Goražde za razdoblje od 2010. do 2014. godine br:01-02-1-1198 od 28.03.2013. godine i Odluke o donošenju Godišnjeg plana korištenja sredstava za zaštitu i spašavanje za 2013. godinu, broj: 10-44-1-4182/13 od 23.10.2013. godine na dvadesetpetoj (25.) redovnoj sjednici, održanoj dana **23.10.2013.** godine, Štab civilne zaštite Općine Goražde, d o n o s i:

O D L U K U

o nabavci specijalnog vatrogasnog vozila sa pumpom visokog pritiska , za potrebe Jedinice Civilne zaštite tj: „Profesionalne vatrogasne jedinice“ Općine Goražde.

Član 1.

Odobrava se nabavka specijalnog vatrogasnog vozila sa pumpom visokog pritiska, za potrebe Jedinice Civilne zaštite tj: "Profesionalne vatrogasne jedinice" Općine Goražde, u iznosu od 95.000,00 KM.

Član 2.

Nabavka vozila iz tačke 1. ove Odluke finansirat će se iz sredstava ostvarenih po osnovu posebne naknade za zaštitu od prirodnih i drugih nesreća planiranih u Budžetu Općine Goražde za 2013. godinu, na ekonomskom kodu 821 383- Nabavka opreme za CZ-u.

Član 3.

Zadužuje se Načelnik Općine da, u skladu sa Zakonom o javnim nabavkama, provede postupak nabavke motornog vozila iz tačke 1. ove Odluke.

Član 4.

Realizaciju ove Odluke vrše Služba civilne zaštite i Služba za finansije, privredu i MZ-e Općine Goražde.

Član 5.

Ova Odluka stupa na snagu danom donošenja i objavit će se u „Službenim novinama Općine Goražde“.

Broj: 10-44-1-4182-1/13
Goražde, 23.10.2013. godine
KOMANDANT ŠTABA:
Mr.sci. Muhamed Ramović

BOSNA I HERCEGOVINA
FEDERACIJA BOSNE I HERCEGOVINE
Bosansko-podrinjski kanton Goražde
OPĆINA GORAŽDE
Općinski štab civilne zaštite



Na osnovu člana 29. Pravilnika o načinu rada i funkcioniranja štabova i povjerenika civilne zaštite ("Službene novine FBiH", broj: 77/06 i 5/07) i na osnovu člana 144. stav 1. i člana 184. stav 1. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", broj: 39/03, 22/06 i 43/10), člana VIII. Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine FBiH", broj: 4/12) i Program razvoja zaštite i spašavanja od prirodnih i drugih nesreća u Općini Goražde za razdoblje od

2010. do 2014. godine br:01-02-1-1198 od 28.03.2013.godine i Odluke o donošenju Godišnjeg plana korištenja sredstava za zaštitu i spašavanje za 2013. godinu, broj: 10-44-1-4182/13 od 23.10.2013. godine na dvadesetpetoj (25.) redovnoj sjednici, održanoj dana **23.10.2013.** godine, Štab civilne zaštite Općine Goražde, d o n o s i:

O D L U K U

o nabavci terenskog putničkog vozila za potrebe Službe Civilne zaštite tj: „Službe medicinske pomoći“ u JU Dom zdravlja „Dr. Isak Samokovlija“ Goražde.

Član 1.

Odobrava se nabavka terenskog putničkog vozila za potrebe Službe Civilne zaštite tj „Službe medicinske pomoći“ u JU Dom zdravlja „Dr. Isak Samokovlija“ Goražde, u iznosu od 31.500,00 KM.

Član 2.

Nabavka vozila iz tačke 1. ove Odluke finansirat će se iz sredstava ostvarenih po osnovu posebne naknade za zaštitu od prirodnih i drugih nesreća planiranih u Budžetu Općine Goražde za 2013. godinu na ekonomskom kodu 821 383- Nabavka opreme za CZ-u.

Član 3.

Zadužuje se Načelnik Općine da, u skladu sa Zakonom o javnim nabavkama, provede postupak nabavke motornog vozila iz tačke 1. ove Odluke.

Član 4.

Realizaciju ove Odluke vrše Služba civilne zaštite i Služba za finansije, privredu i MZ-e Općine Goražde.

Član 5.

Ova Odluka stupa na snagu danom donošenja i objavit će se u „Službenim novinama Općine Goražde“.

Broj: 10-44-1-4182-2/13
Goražde, 23.10.2013. godine
KOMANDANT ŠTABA:
Mr.sci. Muhamed Ramović

SADRŽAJ

| | | |
|-------------|---|------------|
| 1128 | <i>ODLUKU o dodjeli kreditnih sredstava OR „SIGMA - PLAST“, vl. Vučinić Haris iz Goražda, iz „ Namjenskog depozita Općine Goražde u cilju bržeg zapošljavanja na području Općine Goražde”</i> | 856 |
| 1129 | <i>ODLUKU o imenovanju člana Komisije za pitanje boračkoinvalidske zaštite, izbjeglih i raseljenih lica</i> | 857 |
| 1130 | <i>ODLUKU o imenovanju članova Skupštine JP Sportsko-kulturni privredni centar “Mirsad Hurić” d.o.o. Goražde</i> | 857 |
| 1131 | <i>ODLUKU o imenovanju članova Skupštine JP “Veterinarska stanica” d.o.o. Goražde</i> | 857 |
| 1132 | <i>ODLUKU o imenovanju članova Skupštine JKP “6. mart” d.o.o. Goražde</i> | 858 |
| 1133 | <i>ODLUKU o utvrđivanju standarda i kriterija za imenovanje na pozicije reguliranih tijela Općine Goražde</i> | 858 |
| 1134 | <i>ODLUKU o odobravanju službenog puta delegaciji ispred Općine Goražde, na čelu sa Načelnikom Općine Goražde, u Saudijsku Arabiju</i> | 859 |
| 1135 | <i>ODLUKU o usvajanju Programa o uređenju grada i ostalih naselja i Programa o izgradnji i rekonstrukciji javne rasvjete u 2014. godini</i> | 859 |
| 1136 | <i>ODLUKU o usvajanju Programa pružanja usluga komunalne zajedničke potrošnje za 2014. godinu na području grada Goražda i naselja Vitkovići</i> | 860 |
| 1137 | <i>ODLUKU o davanju saglasnosti na Program utroška finansijskih sredstva iz Budžeta Općine Goražde za 2014. godinu sa ekonomskog koda 613-724 - usluge, opravke i održavanje cesta na području Općine Goražde, na putnim pravcima od interesa za Općinu Goražde</i> | 860 |
| 1138 | <i>ODLUKU o usvajanju procjene ugroženosti od požara Općine Goražde</i> | 861 |
| 1139 | <i>ZAKLJUČAK</i> | 861 |
| 1146 | <i>PRAVILNIK O VOĐENJU SPISKA OMLADINSKIH UDRUŽENJA NA PODRUČJU OPĆINE GORAŽDE</i> | 863 |
| 1147 | <i>ODLUKU o nabavci teretnog motornog vozila za odvoz smećarabljeno, za potrebe Službe Civilne zaštite i spašavanja Općine Goražde: „Služba za čistoću“,u okviru JKP „6. mart“.Goražde.</i> | 866 |
| 1148 | <i>ODLUKU o nabavci specijalnog vatrogasnog vozila sa pumpom visokog pritiska , za potrebe Jedinice Civilne zaštite tj: „Profesionalne vatrogasne jedinice“ Općine Goražde.</i> | 867 |
| 1149 | <i>ODLUKU o nabavci terenskog putničkog vozila za potrebe Službe Civilne zaštite tj: „Službe medicinske pomoći“ u JU Dom zdravlja „Dr. Isak Samokovlija“ Goražde.</i> | 867 |

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik sekretar Općinskog vijeća Općine Goražde, Samir Kanlić tel: +38738221161 i pomoćnik načelnika Službe za javne servise i tehničke poslove, Sanid Zirak tel: +38738221796.

Štampa **GRAFOMERX** Goražde